

Protocol no. 96**Sezzüda da marcurdi, als 23 avrigl 2014****20.00 - 23.00h****Preschaints:**

Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 95 da la sezzüda da gövgia, als 10 avrigl 2014 vain approvà.

858 021**FABRICA****Aldo Frei; dozzamaint dal plafuond e nouva duscha i'l plan sura;
parcella no. 381, Plazzetta**

Causa chi's tratta be da müdamaints interns e neir na d'ingüns müdamaints d'adöver ais gnü effetuà il proceder d'annunzcha. La documaint'ais avantman in möd cumplet. Seguond proposta da la cumischiun da fabrica conced'il cussagl il permiss cun vusch unanima.

859 021**FABRICA****Cumün politic; chamonna Darsüra / annex nouv cun duscha e
tualetta; parcella no.**

La cumischiun ha examinà la dumonda da fabrica e la documainta ais avantman in möd cumplet. Sün proposta da la cumischiun decid'il cussagl d'inviar la dumonda inavant a l'uffizi da planisaziun a Cuoira pel proceder dal BAB.

860 021**FABRICA****E. Oes & H. Schär; saiv lung la parcella vers ost e vers süd; tet
da protecziun suot l'entrada da la chasa; parcella no. 610 Archas
Sura**

La dumonda da fabrica ais statta publichada e la documainta ais avantman in möd cumplet. Seguond proposta da la cumischiun da fabrica conced'il cussagl il permiss cun vusch unanima.

861 021**FABRICA****Cumün politic; sanaziun chasa da scoula Sarandschasch**

Il vicecapo e schef da la cumischiun dal proget preschainta la fatschenda sco eir la proposta da quella. La cumischiun da fabrica ha trattà ed examinà la dumonda e tala ais avantman in möd cumplet. Il temp da publicaziun scrouda als 28 avrigl 2014. In vista chi ston gnir resguardats ils termins da fabrica pervi da l'andamaint da scoula ais previs da cumanzar cullas lavuors da fabrica sülla fin d'avrigl. Per pussibiltar quai conced'il il cussagl il permiss da fabrica culla resalva chi nun aintran ingünas protestas fin als 28 avrigl 2014.

862 830

TURISSEM

Chasa Veglia / dumonda a regard il manar ustaria our il liber

Ils respunsabels da la Chasa Veglia dumondan per plazzar maisas e sopchas davant il restaurant e quai per la dūrada a partir da subit fin d'utuon. Sper la terrassa pitschna ais previs da spordscher als giasts ulteriuras plazzas our i'l liber, quai chi pretenda cha la colliaziun da la via tanter Curtinaglias ed Avant Baselgia stuvezz gnir serrada pel trafic dūrant quel temp.

Il Cussagl decida cun vusch unanima d'aderir a la dumonda, però suot diversas cundiziuns.

863 800.314.01

Mantegniment da chamonnas cumūnalas

Chamonna Charanella; sanaziun interna

Ils fittadins da quella effetueschan las lavuors ed il cumūn surpigli'ls cuosts dal material. Il preventiv s'amunta a fr. 7'500.00, incl. ün import da fr. 1'500.00 per svouls cul helicopter. Il cussagl decida da plafunar la somma pellas lavuors descrittas sün fr. 6'000.00 pauschal. A regard il svoul as dessan ils fittadins coordinar cul cumūn cur cha quels dvaintan actuals.

Ultra da quai prevezzessan ils fittadins da far eir ün nouv tet. Ils cuosts nu sun però cuntschaints. Las lavuors surpigliessen els d'effetuar ed il cumūn stuvezz surtour ils cuosts da material. Quai sun ils fittadins be pronts da far suot la cundiziun cha'l cumūn tils garantiss l'adöver dūrant plüs ons. Els suottamettan la proposta per üna convegna da 10 ons.

Il cussagl decida qua cler da na entrar in fatschenda, quai our da motivs da trattamaint egal a tuots ed eir per evitar ün pregüdziz.

864 340.503.06

Innaiver 3. etappa

Prolungaziun da l'indriz; cuosts supplementars

Davart da las pendicularas Motta Naluns vain infuormà, cha l'uffzi per la natūra e l'ambiant sco eir la Pro Natura pretendan da spostar il trassé actual da la pista Sömmi suot la bar Sömmi plü vers ost., quai sco masūra per schaniar la palü bassa existenta. Quai ha per consequenza cha'l traget da l'indriz d'innaiver as prolunga da 200 m sün 360 m ed analog lura eir ils cuosts. Ils cuosts supplementars s'amuntan a fr. 88'000.00. Seguond il contrat cullas pendicularas sto Sent surtour 2/3 dimena fr. 58'667.-- ed incl. l'imposta da plüvalur significha quai üna somma da fr. 63'360.00.

Il cussagl discuta la fatschenda e la discussiun demuossa ch'el sta davo l'innaiver, chi'd ais in interess dal public e prevezz'eir da preschantar la dumonda pel credit suppl. a la radunanza.

El prevezza da pretender però amo ün preventiv detaglià davart da las pendicularas a regard ils cuosts supplementars.

865 300.365.50

Cultura / contribuziuns e donaziuns diversas

Art Enqiadina / simposi internaziunal da sculptuors Sur En / dumonda da sustegn

Quels pon festagiar quist on il giubileum da 20 ons e dumondan, sco minch'on perün sustegn. Il cussagl decida da contribuir, analog a minch'on, la cotibuziun in fuorma da material – ev. eir da sustegn cun lavuraints. Il silvicultur s'occupa da la fatschenda.

866 800.315 Mantegnima int tras terz
Aual Biglöl / lavuors effectuadas a reg. suoglier quel

M. Caviezel orientescha supra la visita occulara chi ha gnü lö ultimamaing tanter sia persuna, Angelica Abderhalden ed il mandader tecnic. Ch. Poo. Ella ha cussglià da's contactar cul uffizi chantunal per examincar co chi dess gnir inchaminà culla fatschenda. Il termin ais fingià fixà, dimena als 28 avrigl cumpara sar Schmid da l'uffizi per tour in ögl la situaziun.

867 830.318.02 Turissem / infrastruttura
Senda da cultura e d'aventüra Puntins Ots / concepziun da tablas da signalisaziun

Il cussagl piglia cugnuschentscha da las offertas pella concepziun da las 9 tablas previssas d'installar. Id ais avantman ün'offerta pella concepziun davart da la ditta Süsskind da Cuaira Davart da Luis deco, Scuol ais avantman ün'offerta pella realisaziun da las tablas. La ditta Staudacher Pring SA suottametta per quai eir ün'offerta. La concepziun da la ditta Süsskind SA as basa analog a quella dal turissem Grischun.

I sun amo alchünas dumondas avertas, chi ston gnir scleridas. I gnarà lura decis in fatschenda a chaschun da la prosma sezzüda.

868 Diversas schefs

Proget infrastruttura Davo Stron

Il capo infuormescha, chi's ais plainamaing vi da las lavuors cul böt da tillas avair conclus sül termin previs per l'aventüra da la via, dimena süls 10 da mai 2014.

Proget sanaziun chasa da scoula Sarandschasch / surdatta da las lavuors

Andri Poo preschainta las offertas missas in net e la proposta davart la cumischiun dal proget. Il cussagl surdà las lavuors, adüna al plü favuraivel offerent, sco segua:

Lavuors:	Fanestras da lain e metal	
	Andri Taverna, Sent	fr. 290'408.75

Lavuors:	Installaziuns electricas	
	Impraisa electrica, Scuol	fr. 36'004.10

Uffizi chantunal pel provedimaint economic naziunal

Quel pretenda la nominaziun da duos persunas responsablas a regard l'organisaziun in cumün. Il cussagl desista da quai, causa ch'in bundant ün mez on gnarà quella fatschenda insomma reglada in basa dal nouv cumün fusiunà.

869 ORIENTAZIUNS

Soc. Sent Turissem

I vain amo discutà cuort supra l'ultima sezzüda culs responsabels da la soc. da Sent Turissem e orientà in fatschenda.

Il cussagl fix'amo alchüns termins per sezzüdas ed aboccamaints. Ultra da quai vain orientà sur d'alchüns puncts da portada plü pitschna.

L'actuar:
Marco Fallet

Il Capo:
Albert Mayer